

Imbabura - Alita Yarishpa Dios Escribichishca - Good Mind Scriptures

Levítico 24:12 Chai runata imata ruranatapash, Mandaj Dios mandangacamanmi, prezuna huasipi churanajurca.

Deuteronomio 18:6 Tucui Israel puramanda, cangunapaj maijan pueblopi pai causajushpapashmi, shuj levita runa llujshinga. Paica, Mandaj Dios agllashca pushtuman, tucui shunguhuan shamujushpaca shamuchunlla.

Rut 1:18 Paihuan rinayachijutapacha ricushpami Noemica, na imatapash ashtahuan nirca.

1 Crónicas 28:9 Salomón, ñuca huahualla. Cambaj taitapaj Taita Diostaca, pactarallapash cunganguiman. Paitaca, ali shunguhuan, tucui munaihuan servishpa causangui. Mandaj Diosca, tucuicunapaj shungutami callarishpa ricujun. Imata rurangapaj yarijushcatapash, tucuitami yachan. Can paita mascashpaca, taringuimi. Ashtahuangarin paita can saquiypica, paipashmi candaca causaita causaicaman saquinga.

Nehemías 4:6 Muyundi jatun pircata shayachishpaca, tucuilla pircatami, chaupicaman vichai shayachishpa tucuchircanchi. Tucui gentecuna chaita rurana munaita charijpimi, chashna rurarcanchi.

Job 23:13 Ashtahuangarin pai imatapash rurangapajpacha munashcataca, ¿pita shujman tigrachi ushangayari? Pai imata rurangapaj munashcataca rurarcallami.

Proverbios 29:11 Shinlli shungu runa fiñarishpaca, pai imata munashcata ruranllami. Ashtahuangarin alipacha yachajushca runaca jarcarinmi.

Isaías 26:3 Mandaj Dioslla, canda na cungashpa yariajlla causajcunataca, canmi cuidashpa casilla ali causaipi charingui. Paicunaca, candami yariajlla causanajun.

Marcos 5:15 Jesuspajman chayamushpaca, ashtaca ashtaca aya jundashpa llaquichijpi causajuj runa ali tucushca tiajujami ricunajurca. Chai runaca, churajunatapash aliguta churajushca, ali juizupimi tiajurca. Shinata ricushpami gentecunaca, ninanda manllarinajurca.

Lucas 8:35 Shina villajpimi, ima tucushcatapash ricungapaca, tucuilla gentecuna shamunajurca. Jesuspajman chayamushpaca, ayacuna jundashca causajuj runaca, ayacuna llujshijpi ali tucushca tiajujami ricunajurca. Chai runaca, churajunatapash aliguta churajushca, ali juizupimi tiajurca. Shinata ricushpami, gentecunaca ninanda manllarinajurca.

Hechos 17:11 Chaipi causajcunaca, Tesalónica shuti pueblopi causajcunataca yali ashtahuan alicachi tucushcacunami carca. Chaimandami paicunaman villajpica, ninanda cushijushpa uyanajurca. Shina cashpami: “¿Dios escribichishca Shimipipash, shinallatachu nijun?” nishpa, punllandi aliguta mascashpa leyinajurca.

Hechos 20:19 Judea llactamanda gentecuna ñucata huañuchingapaj pacalla chaparianajupimi, llaquicunata apashpa ninanda huacashpa tiajushcani. Na jariyashpami, Apunchi Jesustaca servijushcani.

Romanos 7:25 Ashtahuangarin ñuca Taita Diostami, ñucanchi Apunchi Jesucristomandaca pashi nijuni. Shina cashpami ñuca yuyaihuanga, Taita Dios mandashcata servishpa pactachijuni. Ashtahuangarin cuerpohuanga, jucha mandajujtarami rurajuni.

Romanos 8:6 Quiquin munaitalla rurashpa causanaca, huañushpa chingagringapajllami. Ashtahuangarin Diospaj Espíritu munashcatalla rurashpa causanaca, causaigutapash, casilla ali causaitapash charinami.

Romanos 8:27 Ashtahuangarin maijan cashpapash paipaj shungupi aligutapacha yarishpa ricushpaca, paipaj Espíritu imata yarichijujtapash yachanmi. Diospaj Espirituca, Taita Dios munashcashnami paipajlla causajcunamandaca mañariajun.

Romanos 11:34 Pai imata yarijuktaca, ¿pita yachai usharca? Na cashpaca, ¿pita paiman ali yuyaita kuj runa tiarca?

Romanos 12:2 Na cai pachapajtalla rurashpa cushijushpa causanachu canguichi. Ashtahuangarin cangunapaj yuyaita Dios mushujyachishcamandami, mushujta causana canguichi. Shina causashpami, imami Taita Diospaj munai cajta, paita cushichinata, ima pandatapash na rurashpa causanata yachanguichi.

Romanos 12:16 Canguna purapash, shujllashnalla yarishpa causaichi. Na jariyashpa causanachu canguichi. Ashtahuangarin na jariyajcunahuanmi tandanajuna canguichi. Cangunapaj yuyaillapi alipacha yachajushcami can yashpa, na causanachu canguichi.

Romanos 14:5 Shujca, huaquin punllatallami ashtahuan alicachin. Shujca, tucui punllacunatallatami alicachin. Tucuicunallata imashna crishpa yarijushpapash, chashnatallata yarichun ninimi.

Romanos 15:6 Shujlla shimi rimanshna, ñucanchi Apunchi Jesucristopaj Taita Diosta ninanda alicachinajuchun, chashna carachun.

1 Corintios 1:10 Huauquicuna, panicuna, ñucanchi Apunchi Jesucristopaj shutipimi*, cangunataca cashna nipani: Tucuilla shujllashnalla yarishpami parlana canguichi. Canguna purapica, na shicanyarinachu canguichi. Ashtahuangarin alipacha shujlla yuyai tucushpami,

chashnatallata yarishpa causana canguichi nipanimi.

- 1 Corintios 2:16 “Jatun Dios imata yarijytaca, ¿pipash yachai usharcachu? Paitaca, ¿pipash yachachi ushangachu?” nijunmi. Ashtahuangarin ñucanchica, Cristopaj yuyaitami charinchi.
 - 2 Corintios 7:7 Na pai shamushcahuanlla cushichircachu. Ashtahuangarin paitapash canguna cushichijpi ninanda cushijushca cashpami, cashna nishpa ñucanchiman villarca: “Candaca, ninandami ricunayachishpa llaquinajunchi. Can munashcatapash, aliguta rurashpami causangapaj munanchi” ninajushcata villajpicarin, ashtahuan ninandami cushijurcani.
 - 2 Corintios 8:12 Maijambash tucui shunguhuan carangapaj munashpa, imagutapash charishcata carajpica, Diosmi chasquijun. Ashtahuangarin imatapash na charishpata carachunga, na mañanllu.
 - 2 Corintios 9:2 Paicunaman canguna carangapaj munashcataca, alimi yachani. Shina cashpami, Acaya shuti llactapi causajcunaca, caina huatallatami carangapaj munaihuan carca nishpa, Macedonia llactapi causanajuj crijcunaman cushijushpa parlajurcani. Chaita yachashpami, paicunapash ashtacacuna carangapaj munarca.
 - 2 Corintios 13:11 Cunanga huauquicuna, panicuna, ninanda cushijushpa, ima pandatapash na rurashpa catinguichi. Shujmanda shujmanda yachachirishpa, shujllashnalla yarishpa, casilla aligutami causana canguichi. Shina causajpica, casilla ali causaita, juyarishpa causanata caraj Taita Diosmi cangunahuan canga.
- Efesios 4:23 Cangunapaj yuyaipica, mushujtalla yarishpami causana canguichi.
- Filipenses 2:2,3 ñucatami cushichihuanguichi. Shujlla cashcata yarishpa, chai juyaitallata charishpa, shujllashnapacha yuyai tucushpami, chashna cushichihuanguichi. 3 Randimanda fiñanajungapajlla, na cashpaca yanga jariyangapajllapash, na imatapash ruranachu canguichi. Ashtahuangarin paimi ñucatapash yali ashtahuan ali yashpami, na jariyashpa tucuicunatallata alicachina canguichi.
- Filipenses 4:2 Evodia shuti, Síntique shuti panicuna. Cangunataca, Apunchi Jesusmanda shujlla cashcata yarishpa causapaichi ninimi.
- Filipenses 4:7 Casilla ali causaitaca, Taita Diosmi caramunga. Chashna aliguta causanataca, pipash na yachajui ushanalla cajpimi, cangunapaj shungutapash, yuyaicunatapash, Cristo Jesushuan shujlla tucushcamanda huacaichijunga.
- Colosenses 3:12 Cangunataca, mushujta churachinshnami Taita Diosca juyashpa, paipajlla causachun agllarca. Shinamandami, tucui shunguhuan pitapash llaquishpa, juyashpa, ali shunguhuan na

- jariyashpa, pihuambash aligutapacha causana canguichi.
- 2 Tesalonicenses 2:2 Canguna aliguta yarinajushcataca, na ñapash cunganachu canguichi. Diospaj Espituhuanmi villajuni nijpipash, imata parlashca shimita uyashpapash, ñucanchi cachamujpishna cartata cachamujpipash, na pandarinachu canguichi. Apunchi Jesús shamuna punlla chayamujunmi nijpipash, na pandarinachu canguichi.
- 2 Timoteo 1:7 Taita Diosca paipaj Espiritutaca, manllashpa causachunga na carashcachu. Ashtahuangarin ushaita charishpa, juyaita charishpa, nali munaicunatapash mishashpa causachunmi cararca.
- Tito 2:6 Shinallata chairalla viñaicunatapash, aliguta yarishpa purichun, aliguta yachachishpa rimangui.
- Hebreos 8:10 Shinamandami Jatun Diosca, cashna nin: 'Chai punlla jipacunapica, israelcunahuanga cashna ruranatami ari nisha: Ñuca mandashcacunataca, paicunapaj yuyaipimi churasha. Paicunapaj shungupimi, escribinshna churasha. Shina rurashpami, paicunapaj Taita Dios casha, paicunapash ñuca agllashcacunami canga.
- 1 Pedro 1:13 Shina cajpimi cinturasta chumbilirinshna, ali yuyaihuambacha causana canguichi. Imata rurashpapash, aligutapacha rurashpa causaichi. Jesucristo tigramujpi cangunata ninanda juyashpa caranataca, tucui shunguhuan yariashpa shuyaichi.
- 1 Pedro 5:2 Canguna purapi Taita Diospaj tandanajushca llamagucunataca ricuriashpa michipaichi. Na pipash mandajpillatami, cangunapaj munallata ricuriana canguichi. Imatapash culquimandalla nalitaca na rurashpami, ashtahuangarin cushijushpa, uchalla rurana canguichi.
- 2 Pedro 3:1 Juyashca crijcuna, cai cartahuanga ña ishcai viajetami, cangunaman escribini. Cai ishcan di cartapimi, mapa illaj cangunapaj yuyaita rijchachinshna aliguta yarichijuni.
- Apocalipsis 17:9 Caitaca, yuyaipi ali yachaita charijcunallami yachai ushan: Chai canchis umacunataca, canchis urcucunatami ricuchijun. Chai urcu jahuacunapimi, chai huarmica tiajun.

Pastor T. John Franklin
Church of Salvation, Healing, and Deliverance
COS-HAD.org